

## **BASES QUE REXIRAN O PROCESO SELECTIVO PARA A CONTRATACIÓN TEMPORAL DUN/HA TEMPORAL DUN/HA TÉCNICO/A SUPERIOR DE FORMACIÓN PROFESIONAL (FPII) PARA A ASISTENCIA TÉCNICA NUN PROGRAMA FORMATIVO PARA A CRÍA DE MOLUSCOS.**

Acordo do 27 de maio de 2021 da Directora Xerente de Cetmar, polo que se resolve a cobertura dun posto de traballo temporal e se aproban as bases de selección.

De conformidade coa normativa de aplicación ás entidades participadas maioritariamente pola Xunta de Galicia, a Directora Xerente, ao amparo das atribucións que lle concede o artigo 29 dos Estatutos da Fundación, fai pública a convocatoria de selección de persoal, de conformidade coas seguintes BASES:

A cobertura desta praza conta co informe positivo conxunto das Direccións Xerais de Orzamentos e de Función Pública da Consellería de Facenda da Xunta de Galicia, de data 25 de Maio de 2021

### **Características da contratación:**

Salario Bruto Anual xornada completa: 17.422,68€

Tipo de contrato: formalización dun contrato temporal de auxiliar e duración estimada de 24 meses.

Tipo de xornada: 100% da xornada

Sistema de selección: concurso

### **1. Obxectivo do proceso de selección.**

O proceso selectivo ten por obxecto a contratación temporal dun técnico superior de Formación Profesional para dar apoio nun PROGRAMA FORMATIVO PARA A CRÍA DE MOLUSCOS. O contrato é en réxime de xornada completa e a súa duración estimada é de 24 MESES. A persoa contratada presentará apoio ás tarefas técnicas e administrativas do servizo.

Este proceso ábrese no marco do encargo de xestión da Consellería do Mar ao Centro Tecnolóxico do Mar - Fundación CETMAR en materia de formación para ASISTENCIA TÉCNICA NA FORMULACIÓN DUN PROGRAMA FORMATIVO PILOTO E COORDINACIÓN DE ACCIÓNS DE MELLORA E CAPACITACIÓN QUE FOMENTE O APRENDIZAXE PERMANENTE. Mediante este encargo, a Fundación CETMAR dará apoio á coordinación dun programa formativo piloto para a mellora da formación no cultivo de moluscos bivalvos. Coordinarase a implantación do modelo de "empresa titorizada" para a realización de prácticas de produción de cría de bivalvos nun ámbito empresarial simulado, cun prototipo de empresa a escala real e procesos de produción e xestión tamén reais, no que a titularidade dos medios de produción son da Administración. Esta actividade se complementará coa coordinación de accións de capacitación para traballadores/as de acuicultura

que permitan a obtención de certificados de profesionalidade da familia profesional marítimo-pesqueira.

Ubicación: Instituto Galego de Formación en Acuicultura (IGAFA).

## **2. ASPECTOS XERAIS.**

### 2.1. LUGAR DE INFORMACIÓN E RECOLLIDA DE SOLICITUDES.

Durante todo o proceso de selección, a información e recollida das solicitudes e instrucións correspondentes será facilitada na seguinte dirección: Centro Tecnolóxico do Mar-Fundación CETMAR, Rúa Eduardo Cabello, s/n, Bouzas, Vigo. Horario: de 9 a 14 horas (de luns a venres), teléfono: 986 247 047. Información tamén dispoñible na Web de CETMAR: [www.cetmar.org/ofertas de trabajo](http://www.cetmar.org/ofertas_de_trabajo)

### 2.2. COMISIÓN DE SELECCIÓN.

Con motivo da selección constituirase unha Comisión de selección, nomeada por resolución da Directora da Fundación e a súa composición será a determinada polo previsto no artigo 59 da LEPG, no artigo 11 do V Convenio colectivo único para o persoal laboral da Xunta de Galicia, e no artigo 48 do Decreto legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.

As persoas que formen parte do tribunal deberán absterse de intervir cando concorran nelas circunstancias das previstas no artigo 23 da Lei 40/2015, do 1 de outubro, de réxime xurídico do sector público, no artigo 59 da Lei 2/2015, do 29 de abril, de Emprego Público de Galicia, nas Instrucións relativas ao funcionamento e actuación dos tribunais de selección aprobadas por Resolución do conselleiro de Presidencia, Administracións Públicas e Xustiza do 11 de abril de 2007, e no acordo adoptado no Consello da Xunta do 8 de abril de 2010.

Para a válida constitución da comisión de selección, a efectos da celebración de sesións, deliberacións e toma de acordos, requirirase a presenza do Presidente e Secretario, ou, no seu caso de quen os substitúan, e a metade cando menos dos seus membros.

Os acordos tomaranse por maioría simple e en caso de empate o voto do Presidente decidirá o desempate.

En ningún caso a comisión poderá declarar que superaron o proceso de selección un número superior de aspirantes que o de postos convocados.

### 2.3. DOCUMENTACIÓN E RECLAMACIÓN.

Os aspirantes quedan vinculados aos datos que fixeron constar na súa solicitude. O domicilio que figura na solicitude considérase o único válido a efectos de notificacións, sendo responsabilidade exclusiva do concursante, tanto os erros na súa consignación como a non comunicación de cambios de domicilio.

Os erros de feito que se advertisen en calquera das fases poderán corrixirse en calquera momento de oficio ou por petición do interesado. Todas as reclamacións que se realicen durante o proceso de selección deberán enviarse por correo certificado á Comisión de selección ou rexistrarse nas oficinas da Fundación. Os prazos de presentación de reclamacións serán de 3 días hábiles a partir do día seguinte ao da publicación dos listados. As reclamacións que se presenten deberán reflectir o nome e apelidos do reclamante, domicilio, teléfono de contacto, correo electrónico e motivo da reclamación. As alegacións serán resoltas pola Comisión de selección e publicárase un listado complementario do primeiro.

### **3. ETAPAS DO PROCESO SELECTIVO.**

#### **3.1. REQUISITOS DE ADMISIÓN:**

Para poder presentarse ao proceso de selección, será obrigatorio o cumprimento dos seguintes requisitos no prazo de presentación de solicitudes:

##### **3.1.1.- Requisitos xerais:**

- Ter cumprido 16 anos de idade.
- Ser nacional dalgún dos estados membros da Unión Europea ou dalgún estado ao que, en virtude dos tratados internacionais celebrados pola Unión Europea e ratificados por España, lle sexa de aplicación a libre circulación de traballadores. Tamén poderán participar, calquera que sexa a súa nacionalidade, o cónxuxe dos españois, dos nacionais dalgún dos estados membros da Unión Europea, cando así o previse o correspondente tratado, e dos nacionais dalgún Estado ao cal, en virtude dos tratados internacionais celebrados pola Unión Europea e ratificados por España, lles sexa de aplicación a libre circulación de traballadores, sempre que non estean separados de dereito, así como aos seus descendentes e aos do seu cónxuxe, menores de vinte e un anos ou maiores de dita idade que vivan ás súas expensas.

Así mesmo, poderán participar os estranxeiros con residencia legal en España en igualdade de condicións que os españois.

- Estar en posesión da titulación requirida para poder optar á categoría. No caso de titulacións obtidas no estranxeiro, deberán estar en posesión da credencial que acredite a súa homologación na data de finalización do prazo de presentación de solicitudes.

Conforme coa xurisprudencia do Tribunal Superior de Xustiza das Comunidades Europeas (Sentenza do 23/10/08) o requisito da homologación non será aplicable aos aspirantes que obtiveran o recoñecemento da súa cualificación profesional no ámbito das profesións reguladas, ao abeiro das disposicións de Dereito Comunitario (Directiva 89/48/CEE, Directiva 2005/36/CE e RD 1837/2008).

- Posuír capacidade funcional para o desenvolvemento das tarefas.
- Non ter sido separado mediante expediente disciplinario do servizo de calquera das Administracións públicas ou dos órganos constitucionais ou

estatutarios das Comunidades Autónomas, nin atoparse en inhabilitación absoluta ou especial para empregos ou cargos públicos por resolución xudicial, para acceso a corpos ou escala ou especialidade a cuxas probas selectivas se presenten. No caso de ser nacional doutro Estado, non se atopará inhabilitado ou en situación equivalente nin terá sido sometido a sanción disciplinaria ou equivalente que impida, no seu Estado, nos mesmos termos o acceso ao emprego público.

- Dispoñer de carné de conducir clase B por necesidade de desprazamento para o desenvolvemento das funcións do posto de traballo.

Ao presentarse a este proceso, asúmese que os candidatos coñecen e aceptan as bases da convocatoria.

### 3.1.2.- REQUISITOS ESPECÍFICOS:

Son os que figuran no Anexo I. A titulación mínima esixida acreditarase mediante título en orixinal ou copia compulsada (poderase cotexar a documentación en Cetmar, mediante a presentación de orixinal).

### 3.2. PRESENTACIÓN DE SOLICITUDES.

O prazo de presentación de solicitudes será de 15 días hábiles desde o seguinte ao da publicación da oferta de emprego no Diario Oficial de Galicia.

Só se admitirán aquelas solicitudes entregadas en dito prazo, sendo excluídas todas aquelas que non cumpran este requisito.

As solicitudes deberán presentarse segundo modelo de instancia adxunto no Anexo II, na dirección e horarios citados no punto 2.1 da presente convocatoria ou por correo postal certificado, figurando na solicitude o selo coa data de envío posto na oficina de correos, engadindo a dita solicitude:

- a) Orixinal ou copia compulsada do DNI ou pasaporte. No seu caso os estranxeiros deberán acreditar documentalmente as circunstancias establecidas no punto 3.1.1.
- b) A acreditación da titulación mínima académica recollida no Anexo I será en orixinal ou copia compulsada.

A acreditación do resto de titulacións e méritos poderá realizarse nun primeiro momento mediante a presentación de fotocopia. Adxuntarase o CV no formato Europass xunto coa documentación xustificativa dos méritos contemplados nos Anexos III.I.1 e III.I.2. En calquera fase do proceso selectivo poderase pedir ao candidato os orixinais ou fotocopias compulsadas dos devanditos títulos. En calquera caso, esta presentación será obrigatoria antes da formalización do contrato con quen superase o proceso selectivo.

Todos os méritos que as persoas presenten para a súa valoración, enténdense referidos ao día de publicación desta convocatoria no Diario Oficial de Galicia, e deberán acreditarse nos prazos e de conformidade co procedemento que se estableza. Non se terán en conta os méritos que non se presenten conforme o establecido en dito procedemento.

Requírese que aqueles candidatos que rexistren as solicitudes por correo certificado, comuniquen o rexistro e envío de documentación, dirixindo un correo electrónico a [secretariageneral@cetmar.org](mailto:secretariageneral@cetmar.org) e adxuntando escaneado do envío.

3.3. LISTADO DE CANDIDATOS ADMITIDOS E EXCLUÍDOS AO PROCESO DE SELECCIÓN.  
Publicarase o listado provisional de solicitantes admitidos e excluídos do proceso de selección, especificando a causa de exclusión para os afectados. Os listados provisionais publicaranse no lugar indicado no punto 2.1 da presente convocatoria.

Contra este acordo poderá presentarse reclamación ante a comisión no prazo de 3 días hábiles contados a partir do seguinte ao da súa publicación.

Unha vez finalizado o período de reclamacións, publicaranse os listados definitivos.

#### 3.4. PROCESO SELECTIVO.

O proceso selectivo revestirá a modalidade de concurso que se complementará cunha entrevista persoal. A selección será realizada pola Comisión de selección entre os candidatos que reúnan os requisitos xerais e específicos esixidos.

Todos os candidatos que acudan á realización das probas presenciais do proceso selectivo deberán levar o orixinal do DNI, pasaporte ou permiso de conducir. En caso de non presentar algún destes documentos non poderán facer as probas. Todos os candidatos convocados á realización das probas que non se presenten, quedarán inescusablemente rexeitados do proceso de selección.

A puntuación máxima posible na totalidade do proceso é de 30 puntos.

##### 3.4.1. PRIMEIRA FASE DO PROCESO SELECTIVO.

Valoración do *curriculum vitae* de cada candidato nos termos e ponderación que se contemplan no Anexo III.I

Unha vez finalizada a primeira fase do proceso selectivo, a Comisión de selección fará público, no lugar indicado no punto 2.1 da presente convocatoria, as puntuacións alcanzadas polos aspirantes nesta fase, ante o que se poderá presentar reclamación diante da Comisión no prazo de tres días hábiles contados a partir do seguinte ao da súa exposición. Pasado o prazo de reclamacións contra as puntuacións, estas entenderanse estimadas ou desestimadas coa publicación das listaxes definitivas. A puntuación máxima posible desta fase do proceso selectivo é de 27 puntos.



### 3.4.2. SEGUNDA FASE DO PROCESO SELECTIVO: REALIZACIÓN ENTREVISTA PERSOAL

A Comisión de selección poderá realizar unha entrevista persoal ás cinco persoas que acaden a máxima puntuación na valoración do seu CV. En caso de producirse empates de puntuación, este número poderá incrementarse de xeito que non se produzan discriminacións entre as persoas que acaden a mesma puntuación.

A Comisión de Selección fará público, no lugar indicado no punto 2.1 da presente convocatoria o lugar e día de realización da entrevista, que terá unha duración máxima de 20 minutos. A puntuación máxima posible desta fase do proceso selectivo é de 3 puntos.

Nesta fase valoraranse as cuestións relativas a experiencia profesional da persoa candidata, así como as súas aptitudes persoais para o bo desempeño da praza. A entrevista valorarase de acordo co expresado no Anexo III.II.

As persoas convocadas a esta fase deberán presentarse no lugar indicado co orixinal do DNI, permiso de conducir ou, no seu defecto, pasaporte.

### 3.4.3. COÑECEMENTO DA LINGUA GALEGA

O coñecemento da lingua galega é de acreditación obrigatoria. Para iso, en caso de non estar acreditado polos aspirantes que superaron as dúas fases do proceso selectivo, celebrarase unha proba específica consistente na tradución dun texto do galego ao castelán e outro do castelán ao galego. A cualificación será de apto ou non apto.

Estarán exentos da realización da proba de galego os aspirantes que se atopen en posesión do CELGA 4, título de Perfeccionamento de galego ou estudos equivalentes debidamente homologados polo órgano competente en materia de política lingüística. Dito título debe achegarse coa solicitude de inscrición nas probas.

Duración total da proba escrita en galego: 30 minutos.

### 3.5. PUBLICACIÓN DOS LISTADOS FINAIS.

Unha vez realizadas todas as probas, expóranse ao público na dirección indicada no punto 2.1 da presente convocatoria, o listado final, que comprenderá as puntuacións dos aspirantes en todas as fases do proceso selectivo, así como a puntuación total de cada un deles. Poderá presentar reclamación ante a Comisión no prazo de 3 días hábiles contados a partir do seguinte ao da súa exposición.

Á vista das reclamacións presentadas e realizadas no seu caso, as oportunas correccións, a comisión publicará, o acordo que conteña a relación de aspirantes, coa puntuación total definitiva alcanzada por cada un deles, con mención expresa do que obteña a praza.

No caso de empate, dirimirase por orde alfabético, iniciándose pola letra establecida na resolución do 20 de xaneiro de 2017 pola que se fai público o resultado ó que se refire o Regulamento de Selección de Personal da Administración da Comunidade Autónoma de Galicia (DOG nº20, do 30 de xaneiro).

### 3.6 LISTAS DE AGARDA

Para o caso de que por renuncia, baixa temporal ou outra circunstancia do traballador seleccionado fose necesario unha cobertura temporal da praza ofertada, xerarase unha lista de agarda exclusiva para esta praza cos aspirantes que acadaron a puntuación mínima esixida.

Os chamamentos para a cobertura faranse polo medio máis urxente que permita ter a constancia da súa recepción, seguindo a orde da puntuación alcanzada.

Os integrantes da lista de agarda non perderán a orde de prelación que lles corresponda nesta ata que se xere o dereito á prestación de desemprego, de tal maneira que se a contratación ofertada ten unha duración inferior, retornarán ao posto que novamente lles corresponda na lista.

Rematada a contratación o/a interesada/o pasará a ocupar o último lugar na lista durante catro meses se xerou o dereito á prestación de desemprego. Finalizado o devandito período volverá automaticamente ao lugar da lista que, de acordo coa súa puntuación, lle corresponda.

Os integrantes da lista que, sendo convocados para facer efectiva a contratación non se presentaran ou renunciaran a esta, perderán os seus dereitos quedando excluídos da lista.

A xestión da lista e chamamento dos aspirantes contará co coñecemento dos representantes dos traballadores de CETMAR.

Vigo, a 27 de maio de 2021



CENTRO TECNOLÓGICO DEL MAR  
FUNDACIÓN CETMAR  
CIF: C-36.885.853  
Eduard Cabello, s/n.  
36208 VIGO

Paloma Rueda Crespo  
Directora-Xerente do Centro Tecnológico del Mar – Fundación CETMAR

## ANEXO I

Categoría profesional, área de traballo e prazas ofertadas  
Centro Tecnolóxico do Mar-Fundación CETMAR

<b>Categoría</b>	<b>Proxecto</b>	<b>Titulación requirida</b>	<b>Prazas</b>
Titulado/a FP	PROGRAMA FORMATIVO PARA A CRÍA DE MOLUSCOS	TÉCNICO SUPERIOR EN ACUICULTURA	1
<b>Outros requisitos</b>			
-Disponibilidade para viaxar.			





**ANEXO II**

Modelo de solicitude

**SOLICITUDE DE ADMISIÓN Á CONVOCATORIA PARA A CONTRATACIÓN TEMPORAL DUN TÉCNICO/A SUPERIOR DE FORMACIÓN PROFESIONAL (FPII) PARA A ASISTENCIA TÉCNICA NUN PROGRAMA FORMATIVO PARA A CRÍA DE MOLUSCOS**

*DATOS PERSONAIS*

PRIMEIRO APELIDO.....

SEGUNDO APELIDO.....

NOME.....

DNI.....

DATA DE NACEMENTO: DÍA.....MES.....ANO.....

LOCALIDADE DE NACEMENTO..... PROVINCIA.....

TELÉFONO.....

DIRECCIÓN.....

CONCELLO.....CÓDIGO POSTAL.....

PROVINCIA.....

CORREO ELECTRÓNICO.....

TITULACIÓN ACADÉMICA.....

CENTRO DE EXPEDICIÓN.....

LOCALIDADE.....

ANO DE EXPEDICIÓN DO TÍTULO.....

En.....a.....de..... de 20.....

**Conforme co establecido no novo Regulamento de Protección de datos, informámoslles que os datos facilitados no presente documento pasarán a formar parte dun ficheiro, con Datos Personais responsabilidade de CENTRO TECNOLÓGICO DEL MAR - FUNDACIÓN CETMAR, con domicilio social: C/ EDUARDO CABELLO, S/N - 36208 BOUZAS - VIGO (PONTEVEDRA). A finalidade deste ficheiro é a xestión dos curricula por posibles incorporacións de persoal. Do mesmo xeito, informámoslles que Vde. poderá exercitar en todo momento os dereitos de acceso, rectificación, cancelación e, no seu caso, o de oposición, dirixíndose por escrito a CENTRO TECNOLÓGICO DEL MAR - FUNDACIÓN CETMAR, á dirección arriba indicada.**

### INSTRUCCIÓN XERAIS E DOCUMENTACIÓN A ENTREGAR:

- Impreso de solicitude firmado (obligatorio).
- Orixinal ou copia compulsada do D.N.I. (obligatorio).
- Orixinal ou copia compulsada do carné de conducir. (obligatorio).
- Orixinal ou copia compulsada da titulación académica do Anexo I (obligatorio).
- Orixinal ou copia compulsada de Galego ou CELGA 4. (obligatorio se se posúe. Se non se posúe, o candidato terá que realizar proba conforme se indica no punto 3.4.3.).
- CV formato Europass (obligatorio).
- Documentación xustificativa dos méritos contemplados no Anexo III.I.1 e III.I.2
- Orixinal do Certificado de pensais. (obligatorio só para o candidato seleccionado).
- Certificado médico de compatibilidade. (obligatorio só para o candidato seleccionado).

- 1.- Asegúrese de que os datos resultan claramente lexibles.
- 2.- Evite realizar correccións, emendas ou borróns.
- 3.- A experiencia profesional acreditarase mediante certificados de vida laboral, contratos ou acreditacións de concesión de becas de formación práctica, que deberán completarse con certificados onde consten as funcións desenvolvidas.
- 4.- Será necesario remitir orixinal ou copia compulsada dos títulos e certificados marcados na parte superior como obrigatorio. Para o resto de méritos, nas primeiras fases do proceso selectivo pode entregarse fotocopia. Os certificados acreditativos de cursos realizados deberán incluír o número de horas; no caso de que as horas non veñan reflectidas nos certificados considerárase unha duración inferior a 20 horas.
- 5.- No caso de que non se entreguen fotocopias compulsadas, CETMAR poderá cotexar devanditos documentos a efectos e a presente convocatoria, sempre que veñan acompañados do documento soporte orixinal.

## ANEXO III

### **III.I. VALORACIÓN DO CURRICULUM VITAE.**

Será necesario remitir C.V. en formato EUROPASS. Para a correcta correlación entre o C.V. en formato Europass do candidato e os títulos, certificados ou méritos soporte do mesmo, o candidato deberá numerar tanto os méritos que describa no seu C.V. como a documentación soporte, para identificala claramente.

A puntuación máxima da valoración do CV será de **27 puntos**, aplicando o seguinte BAREMO

#### **III.I.1. Experiencia profesional acreditada**

Para cada mes completo de servizos prestados en actividades relacionadas coa cría de moluscos: 0,20 puntos. A experiencia profesional acreditarase mediante certificados de vida laboral, contratos ou acreditacións de concesión de becas de formación práctica, que deberán completarse con certificados onde consten as funcións desenvolvidas.

Consideraranse válidos tanto os servizos prestados no marco de contratos laborais, coma os desenvolvidos no marco de becas de formación práctica. A puntuación máxima do apartado III.I. 1 será de **10 puntos**.

#### **III.I.2. Formación e Outros Méritos**

- a) Ciclo de Formación Profesional vencellado á área obxecto do concurso<sup>1</sup>. Se considerarán en particular os ciclos da rama sanitaria, química ou marítimo-pesqueira, seguridade e medio ambiente que aporten coñecementos complementarios de aplicación no cultivo de moluscos, coma a aplicación de técnicas de laboratorio, microbiolóxicas, ou traballos en mergullo. Deberán acompañarse dunha breve xustificación da súa relevancia para as actividades de cultivo de moluscos. FP básica (1 puntos), FP media (2 puntos), FP superior (3 puntos)
- b) Nivel de idioma estranxeiro acreditado: B2 (2 puntos), C1 ou superior (3 puntos), ata un máximo de 3 puntos.
- c) Cursos de especialización de máis de 100 horas, relacionados coa temática da praza, ata 1 punto por curso cun máximo de 4 puntos.
- d) Outros cursos especializados, relacionadas co ámbito da praza de máis de 20 horas: ata 0.2 punto por curso ata un máximo 2 puntos.

---

<sup>1</sup> Os ciclos que poderán valorarse como mérito deben ser diferentes ó que serviu para acceso.



- e) Tarxeta profesional vixente para o manexo de embarcacións en augas interiores (ata 1 punto)
- f) Outros méritos relacionados co perfil da praza (Participación en proxectos relacionados co perfil da praza, participación en actividades de divulgación científica, participación en publicacións e comunicacións científicas na área de acuicultura e moluscos, apoio á impartición de accións formativas, becas e premios): 0,2 puntos por actividade, ata un máximo de 4 puntos neste apartado.

A puntuación máxima conxunta do apartado III.I.2 será de **17 puntos**.

### **III.II. ENTREVISTA PERSOAL:**

Realizarase unha entrevista persoal abordando aspectos relacionados coa experiencia e capacitación profesionais para o desempeño do posto de traballo e aspectos relativos ao coñecemento do idioma estranxeiro.

A duración máxima da entrevista será de 20 minutos.

A puntuación máxima da entrevista será de **3 puntos**.

A continuación resúmese o perfil do posto de traballo:

- Realizar o seguimento da formación práctica dos/as bolseiros/as do minicriadoiro do IGAFa, garantindo unha axeitada coordinación co profesorado responsable da súa titorización que permita informar da evolución do proceso de ensinanza-aprendizaxe na área de produción, segundo o programa formativo establecido polos titores.
- Coordinación do mantemento das instalacións xerais dos minicriadoiros coa secretaría do IGAFa e o equipo de CETMAR, así coma da implementación de reparacións de posibles avarías por parte do persoal de mantemento do IGAFa.
- Apoio na xestión de compras de materiais e servizos para o funcionamento do minicriadoiro: solicitude de ofertas a provedores, apoio no proceso de selección, verificación dos materiais entregados e apoio no seguimento do proceso.
- Apoio na xestión das intervencións de empresas alleas na reparación ou certificación de instalacións e equipamentos de cría de moluscos, de xeito coordinado coa secretaría e o persoal de mantemento do IGAFa, e o persoal de CETMAR.
- Planificación dos ciclos de produción de xeito coordinado cos titores dos bolseiros para optimizar o aproveitamento dos ciclos naturais de reprodución das diferentes especies obxecto de cultivo.



- Obtención e traslado de reprodutores dende as lonxas, onde se atopan os exemplares en mellor estado, para realizar as tarefas de acondicionamento dos mesmos.
- Realización de reportes de resultados e do seguimento da produción.
- Solicitude da embarcación para poder realizar as tarefas de produción na batea. No caso de que a persoa seleccionada poda patronear a embarcación, poderá realizar estes traslados cando sexa necesario.
- Preparación da semente para a súa entrega ás confrarías, de acordo as previsións da Dirección Xeral de Desenvolvemento Pesqueiro.
- Colaboración co equipo de CETMAR e do IGafa no deseño e implementación de actividades de formación no campo da produción de semente de moluscos e a acuicultura.
- Presentación das instalacións de minicriaderos en actividades de divulgación e promoción do IGafa.